

իր մանր տերեւներով ծածկում էր նրա հրաշալի քանդակները: Յետոյ դարձաւ դէպի ինձ այդ խօսքերով:

– Ես բերեցի քեզ, Ֆարիատ, այստեղ ոչ թէ ամբողջ ցոյց տալու համար, այլ բոլորովին այլ նպատակով: Մենք ամբողջը, բերդեր, ակերակներ շատ տեսանք մեր ճանապարհորդութեան ժամանակ: Այնքանն էլ բաւական էր քեզ՝ քո հայրենիքի մասին գաղափար տալու: Բայց ես քեզ բերեցի այստեղ, որ հէնց կատարուած տեղի վրայ պատմեմ քեզ այն, ինչ որ մինչեւ այսօր ծածուկ է պահուել քեզանից, ինչ որ գուցէ շատ անգամ զբաղեցրել է քո հարցասիրութիւնը: Այդ պէտք է գիտենաս դու, որովհետեւ մենք շուտով բաժանելու ենք միմեանցից...

Վերջին խօսքը նետի պէս ծակեց իմ սիրտը: Ես ամբողջ մարմնով սուկացի: Բաժանուել այն մարդից, որին այնքան սիրել էի, որին այնքան յարգում էի, որը այնքան մեծ ազդեցութիւն էր գործել թէ իմ բնաւորութեան եւ թէ իմ զարգացման վրայ, այդ անտանելի էր: Նա ժամանակ չտոնեց ինձ մի բան ասելու եւ շարունակեց.

– Ես թողնում եմ այդ բերդի հին պատմական աւանդութիւնները, թողնում եմ եւ դրա վրայ պատմուած ժողովրդական գրոյցները, այդքանը միայն կասեմ, որ այդ բերդ պատկանում էր Տարօսի հայ իշխաններին, յետոյ կործանուեցաւ Մահմեդի քեռորդի Աբդուռահիմից, երբ նա արշաւեց դէպի Ղազախստան: Այնուհետեւ ի՞նչ վիճակների է ենթարկուել, ինձ յայտնի չէ, միայն վերջին ժամանակներում նորոգեց այդ բերդը եւ բնակուում էր դրա մէջ քո եւ մեր ամենի բարերարը՝ որսորդ Աւօն:

Լսելով Որսորդի անունը, ինձ զսպել չկարողացայ: Ես նստած էի այն ազնիւ, առաքինի մարդու ակերակների վրայ:

– Այդ նրա՞ ամբողջ է, – բացականչեցի ես, – այստե՞ղ կատարուեցաւ այն սարսափելի կոտորածը, որով բնաջինջ եղաւ նրա տունը, այստե՞ղ հայերի դաւաճանութեամբ ընկաւ նա թշնամու սրերի տակ, այդ բոլորը տեսնում եմ, տեսնում եմ եւ հրդեհի հետքերը... բոլորը՝ տեսնում եմ...

– Այո՛, այստեղ... – կրկնեց Աւլանը նոյնպէս զգացած ձայնով: – Բայց Որսորդի բնակութեան տեղերը նոյնքան փոփոխական են եղել, որքան փոփոխուել է նրա անողորմ բախտը: Մի ժամանակ բնակուում էր նա Սասունի լեռների մէջ, մի ժամանակ՝ Մոզագ երկրում, իսկ վերջը՝ այստեղ: Ամեն տեղ շուտ յաջողուում էր նրան, բայց եւ ամեն տեղ աղէտայի արկածներ պակաս չէին լինում նրանից: Կարծես այդ մարդը ծնուած էր իր ամբողջ կեանքում ծանր պատահարների հետ պատերազմելու համար... Դու գիտես, Ֆար-